

آبونه شرائطی : هر رايچول
 سنه لکي (۴۰۰) التي ايلني
 (۲۲۵) ، ممالك اجنيه ايچون
 سنه لکي (۴۵۰) ، آلي آيلني
 (۲۵۰) غروشد.

نسخه سي ۷،۵ غروشد .
 سنه لکي ۵۲ عدددر .

اداره خانه : باب عالي جاده سنده
 رشيد افندي خاندنه

اخطارات
 آبونه بدلي پشندر .

مسلكه موافق آثار مع المنونيه
 قبول اولنور . درج ايدلن
 يازير اعاده اولماز .

والله يهدي من يشاء الى صراط مستقيم

باش محرد
 محمد ماکف

صاحب و مدبر
 اشرف اديب

اتبعون اهدكم سبيل الرشاد

الرشاد

آبونه سي تبديلنده آيريجيه
 غروش کوندرمليدر .

مکتوبرک امضاری واضح
 و اوقوناقلي اولسي و آبونه
 مره نومروسي محتوي
 بولونسي لازمدر

ممالك اجنيه ايچون آبونه
 اولانرك آدرسليرك
 فرانسزجه يازلسي رجا اولنور .

پاره کوندرلدیکی زمان نه
 دائر اولديني بيلديرلسي
 رجا اولنور

مصائب

مایۃ المادی حامل بر قلبہ مہر اہمانہ ظہور ایدہ من

بجہز اولدیغمز حواس خمس ایله محسوس بر طالمک موجود اولدیغنی کوریورز . سز بو عالم ایچون ایسترقدیم دمیکنز، ایسترحادث . اونک خالق اولق اوزرده ایستر صفات کالیه ایله متصف بر خالقک وجودنی قبول ایدیکنز، ایسترسه کنز او خالق قبول ایتیموب اونک یرینه طبیعت دہ نیان قوتی اقامه ایله بیکنز . خلاصه طالمک اصلیلہ عالمده جاری اولان شئون و حادثات حقندہ کی فکریکنز، اعتقادیکنز نہ اولورسه اولسون سزک بوفکریکنز، بواعقادیکنزہ کیمسہ برشی دییمہ جک . فقط کوزیکنزک اوکنده وجودنی انکار ایدہ میہ جککنز بر حقیقت، یعنی بر طالم واریا، مسئلہ بو طالمک موجودیتی در . بز انسانلرده بو طالمک بر جزئی بز . بدنی تشکلمز، حواس و قوای مادیہ و معنویہ من بعضیلرینہ کورہ الله عظیم الشانک، بعضیلرینہ کورہ دہ طبیعتک اثریدر . شو حالده ایسترحالی بکنہ لم، اونک ہر جزئندہ بویوک بر تدبیر و تصرفک اتقانه مستند آثار دیقیہ سنی کورہ لم، ایستربعضیلری کی بو آثار ایچون بر کور قوتک شعورہ غیر مستند تصرفاتی، یا خود دائمی بر حرکتہ متحرک اولان مادہ نک اثر تصادفاتی دیہ لم، ہر ایک صورتدہ تحقق ایدہ جک بر نتیجہ نک قبولندہ بزم ایچون قطعی بر ضرورت واردر . یعنی عالمی کالی، یا خود نقصانیہ قبول مجبورز . بوتون قوتمزی، بوتون وارلغمزی صرف ایتسہ ککندمزی او طالمدن خارج، مستغنی بر موجود مستقل حالہ افراغ ایتک ممکن دکلدز . اکر طالم ای ایسہ بز اوایی طالمک، اکر فنا ایسہ او فنا طالمک بر جزئی اولق اوزرہ قالمغہ، اونک قانونلرینہ سرفرو ایتک مجبورز .

شمدی کرک طالم، کرک خالق طالم حقندہ کی اعتقادہ مرکزدہ اولورسہ اولسون، یوقاریدہ سویلندیکی وجہلہ کوزمک اوکنده ذرہ سندن، الکترونسندن، ایپونسندن طوتکزدہ بی نہایہ اجرامنہ قدر کندیلرینہ الزام ایدلمش اولان لایتغیر قانونلر موجبہ سیر و حرکت ایدن و آنجق نامتناہی تعبیریلہ افادہ سی ممکن بر طاقم حادثاتہ محل ظہور اولان بر طالمک موجودیتی کوریورز . بو اصلاً قابل انکار دکلدز . فی الحقیقہ طالمک موجودیتی، صورتی، حدی، مقداری دہ فیلسوفلر آراسندہ بر چوق مناقشاتنی استلزام ایتہ مش دکلدز . بورادہ بومناقشاتک صورت جریانی موضوع بحث ایدہ جک دکلز . یالکمز حدسی بر نظرلہ شو تحققک وقوعنی تسلیم ایله اکتفا ایلیہ جکمز .

ہر شیدن اول شونی کوریورزک بزم مادیت نقطۂ نظرندن محدود بر وجود من، معین بر شخصیت منوار، صوکر ا بومعین شخصیتک ینہ

محدود بر مدت ایچون افتراق و انفساختن مصونیتی تأمین ایدن و روح نامی ویریلن بر جوہر امری ایله بوجوہرک شعور، ارادہ کی بعض مخصوصاتی وار . شعور منلہ ہم کندمزی، ہم دہ کندمزدن خارج اولان شیلری ادراک ایدیورز . ارادہ منلہ دہ کرک وجود مندہ، کرک وجود مندن خارج شیلر دہ ایستہ دیکمز خرکتری، وضعیتلری احداث ایدہ بیلیورز . شو حالہ نظرآ ارادہ منک شخصیت مادیہ مندن خارج وسائل آلہ بہ محتاج اولقسزین تعلق و حکمنی اجرا ایدہ بیلہ جکی ایلک موجود کندی وجود من دیمک اولور . الجزی قیلداتمق ایچون منزلہ ارادہ من آراسندہ وجود مندن خارج بر واسطہ بہ محتاج دکلز . ارادہ منی شخصیت مادیہ مندن خارج و بزدن باشقہ اولان اشیایہ تعلق ایتدیرمک ایچون او اشیایہ ارادہ مندہ آلی بر واسطہ نک وجودی لابدر . او واسطہ آلہ دہ وجود مندر . الیزلہ برشی آلیرز؛ اوشیہ ایستہ دیکمز شکل و صورتی ویررز . بونلر بزم ارادی فعللر من، تأثیرلر مندر . بونلر واسطہ اولان شیلر دہ وجود منی تشکیل ایدن اجزای آلہ، یعنی دماغ من، آلز، قولز، کوزیمز و سائر عضولر مندر .

ارادہ منک تأثیرینہ کلتجہ اونک تأثیری وجود مندہ دکل، بدکہ وجود منک، عضویت منک محصلہ لری اوزرینہ در . چونکہ کوریورز و بیلیورزک ارادہ من اساس اعتباریلہ وجود منک ہیچ بر جزئہ حاکم، ہیچ بر جزئندہ مؤثر دکلدز . او آنجق کندی حکم و تأثیری خارجندہ اولان محصلہ لر اوزرندہ بر آمر و بر مدبردر . ارادہ عادتاً بر کمینک قایدانی در . قایدان سفینہ بی انشا ایتمز؛ یالکمز سوق وادارہ ایدر . وجود مندہ طبق بویلہ در . وجود منی انشا ایدن بز دکلز . ارادہ منک تعلقنہ محل کی کوردیکمز شو وجودک بر جزئندہ ارادہ من حاکم و مؤثر دکلدز . قایمز، ارادہ منہ تابع اولقسزین ضربانندہ دوام، قائمزدہ ارادہ من تعلق ایتکسزین وجود مندہ دوران ایدر . معدہ من وظیفہ سنی ایفادہ ارادہ بہ عرض افتقار ایتمز . صاچلر من ارادہ منک رأینی آلمقسزین کندی کندینہ اوزار، آخاریر، دوکیلیر . وجود مندہ کی ہجرات خبر من اولقسزین و بزدن بر تأثیر بکلہ مکسزین تبدل، تجدد ایدر .

نظر عقل ایله باقیلہ جق اولورسہ کوریلیورک بزم ہر شیدن زیادہ یاقین و ارادہ منک تعلقنہ محل کی کورینن وجود مندہ کی تصرفات ارادیہ دائرہ سنک محیطی کیتدکہ کوچولور؛ بئلکمز بئلکمزہ خاص اولان ارادہ من آنجق و آنجق عمان حوادث ایچندہ سفینہ بدنمزی سوق وادارہ ایدن بر قایدان کی قالیور .

بدن اوزرندہ کی تأثیرات ارادیہ من غایت محدود اولدیغنی کی وجود منک اسالاسی اولان انا من، نفس ناطقہ من تمامیلہ بزم ارادہ منہ تابع، تمامیلہ بزدن خارج بعض عواملک تأثیراتندن آزادہ بر موجود مستقل دکلدز . بز کندیمز دوشونیورز، کندیمز یاپیورز، کندیمز تصدیق،

کنديز انکار ايد بورز ظن ايد ورك افعال خصوصيه مزده باشقه بر قوتك تأثيري آلتده بولونديغمزي ظن ايمه يز .

حال بويله ايكن بدنمه طاند اولان و بزم اراده مزه تابع بولونان شيلري قولايقله بيلوب و آكلابوب روحرك نه درجهيه قدر اراده مزه ، تابع نه كهي ودابيع فطريه بي حامل ، فصل استعداد ايله مجبول اولديغني بدنمه كي حالاتده اولديغني كهي اويله قولايقله آكلايه ماز . آينه يه باقديغمز زمان كوزل ، ياخود چركين اولديغمزي كوريرز و كوزلاكله چركينلكك نفسمزده تحقيقي اراده مزدن خارج اولديغني تقدير ايد ورك «نه ياهلم الله ياخود طبيعت بزي ده بويله كوزل ، ياخود چركين بار اتمش» ديه رك ضروري حال مزه ، نقصان مزه ، ياخود كالمزه راضي اولورز . فقط چركين اولديغمز حالده ، «اوت» كوزلاك نم تشكلا تمدن ، تناسب ده بنده كي تناسبدن عبادتدر . نم شوتشكلم يكانه مقياس حسندر ؛ دنيا ده كوزل آنجق نم كهي اولور ، بكا بكمزه ميه چركيندر . ديه رك چركينلكمزي هر كسه كوزلاك صورتنده قبول ايتدير مكه فالقيشه جن اولور ايسه ك خطا اتمش اولورز . فقط روحز بويله دكلدر . اونده كي تجلياتي ، اسراري كورمك ، تقدير ايد بيلمك ايجون باشقه بر آينه يه محتاجز . بيلديكمز آينه كافي دكلدر . بز كندی حالات و حادثات نفسيه مزي صرف كندی تأثيرات اراديه مزك محصولي ظن ايدرز . حال بوكه فطرتك هر جزئي كهي اونده ده بزم كورده مديكمز ، بيله مديكمز بر طاقم عوامل خفيه نك تأثيراتي واردر . روح ازلا بر شيه مستعد اولور و دنيا ده بولونديقه او استعدادك ايجابانه محبت و اونلري قبول ايد ورك او ايجابات خارجنده اولان ، اونلره مغاير بولونان شيلردن نفرت و اونلري رد ايدر . چونكه بوشيلر اونك روح ايجون غذا اوله ماز ، اونك روح بيله مزي غذاي جسماني ده بويله در . بر مخلوقك فطرتنه طبيعتنه موافق اولان بر غذا ديكر بر مخلوقك فطرتنه ، طبيعتنه موافق ايمز . مثلاً آرسلان آچلقدن اولورده اوت ايمز . كذا قيون ده هلاك اولسه ات ايمز . زيرا بوايكي «اونا اونلرك فطرتنه موافق دكلدر .

شومقد ... آكلابيلور كه بمضيلرينك اعتقادي كهي بر طبيعتك محصولي ، اثری ده ... حالده كنديمه خاص بر ماهيتي ، كندی اراده مزدن خارج بولور ... حامل اولديغمز حالده دنيا ده كايه ، بوماهيتك ، بو حالات و ... تابع اولورز ، بومتنضياتك آثاريني اظهار ايلرز .

اعتقاده كوره قدرت فاس ... كوره طبيعت ، شفتالي چكرد كننده او نوعك ادامه سنه خشم جومري ، استعدادي اندماج ايتدير مشدر . شفتالي چكرد كنندن آيوا آغاچي چيقماز . كذا ابو جهل قاربوزينه ده اوميوه نك ادامه سنه خادم تخمي قوم مشدر . ابو جهل آغاچك ميوه سي چاوش اوزومي اوله ماز . حيوانلرك جوهر وجودي ده

بويله در . دوموزك نطفه سندن قيون ، قيونك نطفه سندن دوموز دوغماز . شو مقدماتي بر درجهيه قدر خصائص منويه ده تشميل ايد ورك اولور ايسه ك همان همان عين نتيجهيه واصل اولورز . شقاوت ازله ايله مجبول اولانلردن اثر سعادت ظهور ايمز . مابه الحادي حامل برقلبدن جوهر ايمان ظهورينه ترقب بيهوده در . او بر شجره خيئه در كه اونك ميوه سي ده خبيدر .

بعض حيوانات سفليه انسانك استكراه ايتديكي شيلري كال اشها ايله ير . چونكه اونك دماغي ، روح اوشيلرك كراهتي كورميه چك صورتده يارادلشدر . او كهي حيوانلره بو كراهتي كوسترمك ، قبول ايتدير مكن ممكن دكلدر . چونكه نفسنده اوقابليت يوقد . ازلي بر ملحده ده ايماني قبول ايتدير مكن محالدر . چونكه ايمان اونك قابليت فطريه سنه اويماز . سردايديلن شومطالعانه رغما ، مسئله ده نيه جبر يوقدر ، ديه چك اولور ايسه ك بلكه بو سوز مزله بمضيلرينك نظر ننده عظيم بر تناقض ورطه سنه دوشمش اولورز .

حالبو كه مسئله اويله دكلدر . وجود محصله لري اوزرنده تأثيري ثابت اولان اراده ايله شو حالاتك تعديلي ، حق تبديلي بيله امكان دائره سنه كيرر . فقط اصولي واردر . هنر او اصولي بيلمكده ، اوني بيلمكي قصد ايلكده در . سازك هر تلنده سس چيقارمق قابليتي واردر . كيريشلرك كركينلكنه ، كوشكلكنه كوره چيقان صدا ياتيز اولور ، ياخود بست . تللك هيئت مجموع ، سي بر استاد طرفندن آقورد ايديله چك اولورسه اي ، عكس صورتده فنا سسلر چيقار .

هلال اخضر قونفره سي

هلال اخضر جمعيتك سنه لك قونفره سي دوقتور مظهر عثمان بكك رياسته ده جمعه كوني انعقاد ايله مشدر . اجتماعه ايكوز قدر اعضا بولونمشدر . اولاً مظهر عثمان بك كرسي به چيقه رق هلال اخضر ك بشجي قونفره سنك عقدندن طولاي نمونيتني اظهار ايله مش ، جمعيتك فعاليتي و ايجكيتك مضرتاري حقنده اوزون ومهم بر نطق ايراد ايله مشدر . متعاقباً جمعيتك محاسب مشولي محامي جلال الدين فياض بك جمعيتك بر سنه لك واردات و مصارفاتي و مسكراتك ملته و مملكته ايضاح ايتديكي فنا لقر حقنده چوق شايان دقت ايضاحات و ير مشدر . بوندن صوكره جمعيتك كاتب عمومي سي دوقتور فخر الدين كريم بك منع مسكرات قانونك لغو نندن صوكره ضابط ، وقوعاتك ترايدي حقنده ايستايستيقله مستند مهم بر خطابه ايراد ايله مشدر . مظهر عثمان بك مستحضر لوحه لري كوستره رك ايجكيتك وجود اوزرنده كي تأثيراتي ايضاح اتمش ، هراوج خطيب ده آقيشلا نمشدر .